



Inuussutissarsiornermut Suliffeqarnermullu Naalakkersuisoq /MAANI

Pineqartoq.: Isumasioqatigiilluni ataatsimiinnissamut aggeqqusissut.

Inuussutissarsiornermut Suliffeqarnermullu Naalakkersuisoq Inatsisartut Inuussutissarsiornermut Ataatsimiititaliaanni sisamangornermi ulloq 11. maj 2006, nal. 18.00 Inatsisartut ataatsimiititaliaasa ataatsimiittarfianni 1-imi isumasioqatigiilluni ataatsimiinnissamut Inatsisartut Inuussutissarsiornermut Ataatsimiititaliaannit matumuuna aggersarneqarpoq.

Suliffeqanngikkallarnermi ikiorsiissutit pillugit peqqussutissatut siunnersuut UPA 2006/25 Suliffeqarnermut Naalakkersuisup saqqummiuppaa. Ulloq 28. april 2006-imi siullermeerinerup kingorna peqqussutissatut siunnersuut siuliani taaneqartoq Inuussutissarsiornermut Ataatsimiititaliamit misissorneqarpoq.

Peqqussutissatut siunnersuummik matumani pineqartumik Naalakkersuisut saqqummiussinerat ataatsimiititaliamit nuannaarutigineqarpoq. Siunnersuutikkut siunertarineqartut pingaarnertullu imaritinneqartut ataatsimiititaliamit iluarisimaarneqarmata oqaatigineqassaaq.

Aappassaaneerinissaq sioqqullugu ataatsimiititaliaq isumaliutissiisusiorussaavoq. Tamannali sioqqullugu siunnersuummut tunngatillugu pissutsit aalajangersimasut paasinarsinneqarnissaat ataatsimiititaliamit kissaatigineqarpoq, taamaaliornikkut Naalakkersuisut akissuteqaataat ataatsimiititaliap nassuiaataata ilaatut isumaliutissiissummut ilanngunneqarsinnaaqqullugu.

APEQQUT 1:

§ 2 pillugu, nassuiaatit,

Eqqartuussinikkut isumaqatigiissuteqarnikkullunniit suliffeqanngikkallarnermi ikiorsiissutinik kingumoortumik akileeqqussuteqarnissamut periarfissaq immikkoortut aappaanni taaneqartoq naqqiivigineqarsimasariaqaralarpoq, § 11-imummi nassuiaatini taassuma taamaaqqataa immikkoortut tallimaanni peerneqarmat.

- **Soraarsitsineq tunngavissaqanngitsumik pisimasoq sulisartoq eqqartuussinikkut isumaqatigiissuteqarnikkullunniit ilalernerpat § 2-mut nassuiaatit naapertorlugit suliffeqanngikkallarnermi ikiorsiissutit kingumoortumik tunniunneqarsinnaapput. Tamanna taarsiisuteqarnerup qaavatigut suliffeqanngikkallarnermi ikiorsiissutinik kingumoortumik tunniussinermik kinguneqarsinnaava?**
- **Angusaq kingumoortumik akiliuteqarnissamut pisussaaffeqarnermik kinguneqartoq pisortanit akuerineqassappat sulisitsisup pine-**

Ulloq/Dato:
5. maj 2006
Sags.nr.
01.36.02.04-00007
Inatsisartu4 Allattoqarfiat / Landstingets
Bureau
Postboks 1060
3900 Nuuk
Oq/tel +299 34 50 00
Fax +299 32 46 06
Landstinget@gh.gl
www.nanoq.gl

qartullu kattuffiata akornanni isumaqatigiinniarnernut suut piumasagaataappat?

APEQQUT 2:

§ 4, imm. 2 pillugu.

Aalajangersakkami oqaaseqatigiit kingulliit eqquutsinniarneqarnissaannut periarfissanik ilanngussisoqarsimangitsoq maluginiarneqarpoq. Tamatumani apeqqaaleralpoq uppersaatissat pineqartut sulisitsisumit saqqummiunneqarsimattinnagit kommuni qanoq inissisimassanersoq.

- **§ 4, imm. 2-mi piumasagaataasoq naapertorlugu sulisitsisoq uppersaatissamik saqqummiussimatinnagu kommuni angerlartiinnarneqartorlu qanoq inissisimassappat? Uppersaatissanik amigaataasunik kommunip angerlartiinnarneqartulluunniit pissarsiniarnissaat naatsorsuutigineqarpa? Taamaattoqartillugu suliamik ingerlatsineq unitsikkallarneqassava uppersaatissalluunniit kingusinnerusukkut pissarsiarineqarnissaat naatsorsuutigalugu suliffeqanngikkallarnermi ikiorsiissutinik tunniussinini kommunip aalartiinnarsinnaavaa?**
- **Assersuutigalugu angerlartitsarnermut maleruagassanik paatsuneq pissutigalugu tunisassiornermik unitsitsineq pillugu uppersaatit kukkusunik sulisitsoq nassiussisimappat qanoq inissimasoqassava?**
- **Tunisassiornermik unitsitsineq pillugu uppersaatit kukkusunik sulisitsoq piaaraluni mianersuaalliorujussuarnikkulluunniit tunniussisimappat sulisitsisumut iliuuseqaataasinnaasunik periarfissaqarpa?**
- **Tunisassiornermik unitsitsineq pillugu uppersaatit kukkuneqartut kingusinnerusukkut paasinarsippat suliffeqanngikkallarnermi ikiorsiissutitut tunniunneqarsimasut sulisumit sulisitsisumilluunniit uterteqquneqarsinnaappat?**

APEQQUT 3:

§ 6, imm. 5 pillugu.

Iliuusissatut pilersaarutit il.il. pillugit "inatsisit allat malillugit" piumasagaatit suut pineqarnersut suli paatsuunganarsinnaavoq.

- **Inatsisit allat malillugit iliuusissatut pilersaarutit piginnaangorsaaqqinnissamullu pilersaarutit § 6, imm. 5-imi taaneqartut suuneri tamakkiisumik nalunaarsorneqarnissat qinnutigineqarpoq.**

APEQQUT 4:**§ 8, imm. 2 aamma 3 pillugit.**

Inatsimmi § 8, imm. 3-p oqaasertai nassuiaatinilu § 8-mut oqaasertat imminnut naapertuutinnngillat. Inatsisip oqaasertaa malillugu napparsimaneq sapaatit akunneri marluk sinnerlugu sivisussuseqarpat ikiorsissutit ulloq napparsimalerfiusoq siulleq aallarnerfigalugu tunniunneqassapput (minnerpaamik ullut suliffiit 11-it nalingat). Nassuiaatit malillugit napparsimaneq sapaatit akunneri marluk inorlugit sivisussuseqarpat ikiorsissutit ullut napparsimaffiit pingajuat aallarnerfigalugu tunniunneqassapput (minnerpaamik ullut suliffiit 9-t nalingat).

- **Taama naapertuutinnngitsoqarnera Naalakkersuisunit oqaaseqarfigiumaneqarpa?**

APEQQUT 5:**§ 9 pillugu.**

Sapaatit akunnerini pingasuni napparsimasoqareernerani imaluunniit napparsimanerup sivikinnerpaamik sapaatit akunneranik pingasunik sivisussuseqarnissaa ilimanarsigaangat misissuisussaataitaneq atuutilertassanersoq erseqqissaatigineqassasoq siunneruutigineqarpoq.

- **Sapaatit akunnerini pingasuni napparsimasoqareernerani imaluunniit napparsimanerup sivikinnerpaamik sapaatit akunneranik pingasunik sivisussuseqarnissaa ilimanarsigaangat kommunip § 9 malillugu misissuisussaataitaneq atuutilertassava?**

APEQQUT 6:

Piareersarfinnik ilitersuisarfinnillu pilersitsinermut siunnersuut atasooq Naalakkersuisut allapput. Piareersarfiit ilitersuisarfiillu taakku pilersinneqarnissaannut piffisaliussaq ataatsimiititaliamit paaserusunneqarpoq.

Suliffissaaleqisut isorliunerusuniittut pikkorissartinneqartarnissaat piginnaangor-sarnissaallu Naalakkersuisunit qanoq ingerlatilersaarneqarnerasoq aammalu siun- nertanut taakkununga aningaasanik immikkoortitsisoqarsimanersoq ataatsimiititaliamit aamma paaserusunneqarpoq.

APEQQUT 7:

§ 7, imm. 3, 1) naapertorlugi suliffeqanngikkallarnermi ikiorsiissutinik tunniussinis-sami piumasaqaataavoq suliffissaaleqisup angerlartiinnarneqartulluunniit peqqis-sutsimut pissutsinullu allanut tunngatillugu suliffigilersinnaasaanik kommunalbesty-relsi innersuussisinnaassanngitsoq. Nassuiaatini allassimavoq "pissutsit allat"-ni pineqartut tasaanerusut meeqqanik paarsisussamik ajornartorsiuteqarnerit suliffi-ullu orninnissaanut angalaniarnikkut ajornartorsiutit. Ataatsimiititaliap isumaa ma-lillugu "pissutsit allat" taamaattut ima "qasungatigisariaqanngillat" sulisartut suliffe-qarnermut attuumassuteqaannarnissaasa qulakkeerneqarnissaanik ataatsimiitita-liap kissaateqarneranut akerliullutik. Sulisartoqarneq eqqarsaatigalugu aalajanger-sakkanik taamaattunik allanik peqarnerasoq aammalu suliffeqarnermi naligiissitsi-nissamik ataatsimiititaliap kissaateqarnera eqqarsaatigalugu taakku nassuiaatinit peerneqarnissaat naapertuunnerpaajussannginnerasoq ataatsimiititaliamit Naalak-kersuisut apererusunneqarput.

APEQQUT 8:

Sapaatit akunnerini kingullerni 13-ini sivikinnerpaamik akunnerni 180-ini suliffeqarsimanissamik piumasaqaat akunnernut 182-inut qaffanneqarsimasoq ataatsimiititaliap maluginiarpaa. Akunnerit 169-inngorlugit tamanna inissinneqarsimasuuppat qanoq kinguneqassanersoq ataatsimiititaliap paaserusuppaa.

Naalackersuisunut ilaasortap oqaasissaasa allattorsimaffiata nuutinneranik pissarsinneqarnissani Inuussutissarsiornermut Atatsimiititaliap kissaatigaa.

Inussiarnersumik inuulluaqqusillunga

Ane Hansen,
Ataatsimiititaliap siulittaasuata tullia